



**«Երիտասարդ պատմագետների ասոցիացիա» ՀԿ-ի
EduArmenia կրթական նախաձեռնություն**

**Ուսուցիչների պետական պարտադիր վերապատրաստման
դասընթաց 2023**

Հետազոտական աշխատանք

Թեմա` Գրական խմբակի ազդեցությունը շփվող անձնավորություն ձևավորելու հարցում

Հետազոտող ուսուցիչ` Մարինա ԱՎԱԳՅԱՆ

Երևանի Համբարձում Գալստյանի անվան հ. 83

ավագ դպրոցի հայոց լեզվի և գրականության ուսուցիչ

Համառոտագիր: Հարվածում ներկայացված են գրական խմբակների արդյու նավետ գործունեության կազմակերպմանը միտված մի քանի արդի մոտեցումներ: Առաջ է քաշվում այն տեսակետը, որ աշակերտները կարող են հիմնավորապես տիրապետել մայրենի լեզվին ու գրականությանը, եթե դպրոցում կարևորվի նաև գրական խմբակների դերն ու նշանակությունը, և բարձր մակարդակով կազմակերպվեն ու անցկացվեն նմանատիպ խմբակների աշխատանքները: Այդ դեպքում սովորողը կձևավորվի որպես միջավայրի հաղորդակցմանը պատ բաստ անձնավորություն:

Ներածություն

Դպրոցական կրթության լավագույն արդյունքի կարելի է հասնել միայն ուսուցչի գործուն մասնակցությամբ: Հասարակությունն այսօր անչափ բարդ առաքելություն է դրել դպրոցի ուսուցչի առջև. ակնկալվում է ոչ միայն կրթված, այլև հիմնախնդիրներից ազատ սերնդի դաստիարակում:

Այս դժվարին առաքելության իրականացումը հիմնականում ընկած է մայրենիի ուսուցչի վրա: Կարևոր է, որ աշակերտները հիմնավորապես տիրապետեն մայրենի լեզվին և գրականությանը, արդյունավետ օգտագործեն ձեռք բերած գիտելիքները, հմտություններն ու կարողությունները լեզվի գործածության տարբեր ոլորտներում:

Ինչպես գիտենք, մայրենի լեզվի ուսուցման հիմնական նպատակը բանավոր խոսքի, լսելու, կարդալու և գրելու հմտությունների ու կարողությունների զարգացումն է: Այս ուղղություններին տիրապետելու միջոցով աշակերտներին հնարավորություն է տրվում արդյունավետ օգտագործել մայրենի լեզուն՝ այն համապատասխանեցնելով տարբեր բնույթի հաղորդակցական և ստեղծագործական նպատակներին: Սովորելու ընթացքում նրանց մեջ ձևավորվում է դրական և ակտիվ տրամադրվածություն՝ ուսուցման յուրաքանչյուր նոր աստիճանի խնդիրների ուսումնասիրման, լուծման և գիտելիքների գործնական կիրառման նպատակադրումով:

Վերը նշված նպատակների իրականացման հարցում կարևորվում է դպրոցում գրական խմբակների դերն ու նշանակությունը: Անհրաժեշտ է ծայրաստիճան բարեխոհությամբ կազմակերպել ու անցկացնել նմանատիպ խմբակների աշխատանքները: Գրական խմբակի ղեկավարը, մասնագիտական իրազեկվածությունից բացի, պետք է օժտված լինի այնպիսի նկարագրով, որն ի գործ է ձևավորելու ժամանակակից հաղորդակցման համար պատրաստ անձնավորություն, զարգացնելու սովորողների՝ լսելու և բանավոր խոսք կառուցելու կարողությունները: Այդ փոխկապակցված գործընթացների հաջորդական զարգացմամբ մշակվում են ազատ-անկաշեկան խոսքի և մտքի գրագետ ու կազմակերպված արտահայտման հմտություններ Ձևավորվում են միմյանց լսելու մշակույթ և փոխներգործուն հարաբերությունների հաստատման կարողություններ: Հիմք է դրվում հանդուրժողական, ուրիշների կարծիքը գնահատող և արժանավայել պահվածք դրսևորող անձնավորության դաստիարակությանը: Սակայն չպետք է մոռանալ, որ գրագիտության հիմքն ընթերցանությունն է, ինչը ժամանակակից լիարժեք անձնավորության ձևավորման պարտադիր պայման է: Ընթերցանությունը պետք է ծառայի այնպիսի հմտությունների ձեռքբերմանը, որոնց առկայությամբ աշակերտը տիրապետում է կարդալու հիմնական մարտավարություններին և դրանց կիրառմանը: Այս իմաստով՝ կարևոր են տեխնիկ և գրքի ընտրությունը և ներկայացումը սովորողներին: Աշակերտը պետք է կարողանա գեղարվեստական երկում ինքնուրույն գտնել անհրաժեշտ տվյալը, տեխնիկ խորությամբ հասկանալու նպատակով օգտագործել տարբեր փաստարկներ, ստացված տեղեկությունը առնչակցել անհատական փորձի հետ, արդյունքները վերլուծել և կատարել եզրահանգումներ:

Գլուխ 1

Անգնահատելի հարստություն է գրավոր խոսքին լիարժեք տիրապետելու մշակույթը: Այն սովորողին թույլ է տալիս կատարելու ստացած տարբեր տեղեկությունների և սեփական կարծիքի գրավոր արտահայտում՝ այն դարձնելով անհատի մտավոր հնարավորությունների իրականացման պարտադիր միջոց: Աշակերտը պետք է կարողանա անհատական ստեղծագործական կարողություններ դրսևորել և զարգացնել, տիրապետել մտքերի և վերաբերմունքի արտահայտման սեփական լեզվառեական միջոցներին: Աշակերտը պետք է կարողանա նախնական պլան կազմել կարդացած գրքի վերաբերյալ, հանգուցային բառերն ընդգծել, սևագիր կազմել և այն ուղղել խմբագրել՝ տիրապետելով գրավոր մտքի պարզ

ձևակերպման հմտություններին և կարողություններին, բացի այդ, ունենա ընթեռնելի ձեռագիր, տիրապետի ուղղագրության և կետադրության պարտադիր նորմերին:

Ներկայացնենք գրական խմբակների գործունեության կազմակերպմանը միտված արդի մոտեցումներ, որոնք նպատակաուղղված են այդ հիմնախնդիրների լուծմանը:

Գրական խմբակներում աշակերտների փոքրիկ խմբերը միևնույն ժամանակահատվածում կարգում են սրբակի ֆանակով գրքեր և կանոնավոր կերպով ֆենարկում են դրանք: Նրանք կարող են իրենք վճռել՝ նույն գիրքը կարդալ, թե՞ տարբեր գրքեր՝ միևնույն թեմայով Գրական խմբակներն աշակերտների օգնում են ավելի շատ տեղեկություն յուրացնել տարբեր բնույթի, ժանրի և ոճի ստեղծագործությունների վերաբերյալ: Նման միջավայրում նրանք կարողանում են գնահատել իրենց խնայության մակարդակը, խոսելու ոճը (ինքնաբերա բար սկսում են գիտակցել, որ տարբեր բնույթի տեքստերի մասին խոսելիս տարբեր ոճեր պետք է օգտագործեն):

Գրքերի մասին բանավեճն աշակերտներին հնարավորություն է տալիս միմյանց հետ փոխանակելու իրենց գրական հայացքները, տեսակետները, խորհրդածություններ անելու տվյալ հեղինակի լեզվի, ոճի կամ գրական երկի կառուցվածքի ու հերոսների մասին:

Գրական խմբակի գործունեությունն արդյունավետ դարձնելու նպատակով կարելի է ձևավորել խմբեր, որոնք կոչված են այս կամ այն գրողի ստեղծագործության տարբեր կողմերի ուսումնասիրմանը: Նրանց ուշադրությունը պետք է կենտրոնացնել այնպիսի հատկանիշների ուղղությամբ, ինչպիսիք են՝ ստեղծագործության կառուցվածքը, հիմնախնդիրը, խորհրդանիշները, միջավայրը, ժամանակը և դարաբջջանը, գործող անձինք, գեղարվեստական աշխարհը և այլն: Աշակերտների մի խումբ կարող է ուսումնասիրել, թե ինչպես է հեղինակն այս ամենն օգտագործում ընթերցողի վրա ազդելու համար:

Առաջարկում ենք գրական խմբակների գործունեության ոչ ավանդական եղանակներ: Ուսուցիչն ինքը կորոշի՝ որն է նպատակահարմար տվյալ դասարանի կամ խմբի համար:

ա) Խոսելու կամ գրույցի խմբակ

Զրույցի խմբակները կարող են ապահովել այնպիսի միջավայր, ուր աշակերտները համարձակ կարողանում են իրենց մտքերը փոխանակել ուրիշների հետ: Նմանատիպ խմբակներն իրենց գործունեությամբ նպատակային են այն ժամանակ, երբ բանավիճային թեման չի ենթադրում ճիշտ կամ ոչ ճիշտ պատասխաններ, և գործը վերաբերում է ընկալումների, զգացումների և տպավորությունների հարցումանը: Աշակերտները ֆենարկում են բարոյական խնդիրներին վերաբերող հարցեր: Բացի այդ, սա լավ միջոց է՝ խմբային համաձայնության հասնելու կամ հիմնախնդրի լուծման համար:

Մեր փորձը ցույց տվեց, որ շատ աշակերտներ կարողանում են դրսևորել իրենց հմտությունները՝ կիսառելով 8 կարողունակությունները.

1 Սովորել սովորել.

2 Համագործակցություն. լսել, հանդուրժել:

Աշակերտները նստում են աղեղնածև, և նրանցից յուրաքանչյուրին տրվում է խոսելու հնարավորություն: Եթե շրջանը մեծ է, այդ դեպքում նպատակահարմար է կազմակերպել տասըսասներկու հոգուց բաղկացած ներքին շրջան, իսկ մնացածները կարող են տեղավորվել նրանց շուրջը: Խոսելու իրավունք կունենա միայն այն աշակերտը, ով կլինի ներքին շրջանում: Աշակերտները հերթով կգրադեցնեն իրենց տեղերը: Նա, ով կսաի իր ասելիքը, ներքին շրջանից կտեղավորվի

արտաքին շրջան, և նրա տեղը կգտնվի կարծիք հայտնելու պատրաստ մասնակիցը: Շրջանը կգործի այնքան ժամանակ, քանի դեռ մասնակիցները թեմայի շուրջ ասելիք կունենան:

Պետք է բոլորին կարծիք հայտնելու հնարավորություն տալ, և ստեղծել այնպիսի մթնոլորտ, որ որևէ մեկը գերիշխող վիճակ չունենա: Ավելորդ ադմոնից խուսափելու նպատակով կարելի է աշակերտներին տրամադրել բարձրախոս:

Ցանկալի է, որ խոսելու կամ գրույցի խմբակում ընդգրկված սովորողները և ղեկավարը պահպանեն հետևյալ կանոնները.

- Բոլոր դիտողություններն անել հիմնախնդրի կամ թեմայի շուրջ և ոչ թե ելույթ ունեցող աշակերտի խոսքի վերաբերյալ`
- Ձեռնպահ մնալ ինչպես դրական, այնպես էլ բացասական արձագանքներից` կապված աշակերտի ասածի հետ:
- Երբ կարծիք է հայտնում մեկը, մյուսները լուռ լսում են առանց գնահատական տալու:
- Արգելվում է միմյանց նվաստացնող դիտողություններ անել: Կազմակերպչի դերը կատարում է ուսուցիչը կամ աշակերտը` գործունեության հետևյալ ձևերի ապահովումով.
- տալ հստակ հրահանգներ և ապահովել դրանց կատարման հնարավորությունը,
- գնահատել յուրաքանչյուր ներդրում («Շնորհակալություն ձեր կարծիքի կամ ներդրման համար»),

5

- անհրաժեշտության դեպքում հետել, պարզաբանել մեկնաբանությունը (օրինակ` «Եթե հիշում եմ հասկացել, դուք ասում եք, որ ...»),
- ելույթ ունեցողին խնդրել, որ մեկնաբանություններն ու դիտողությունները հաղորդի, որքան հնարավոր է, պարզ և հասկանալի,
- ուշադիր լսել խոսողին. դրանով արտահայտվում է համերաժխություն և հարգանք տվյալ անձի նկատմամբ,
- ուշադրությունը կենտրոնացնել հինչող խոսքին և ոչ թե սպասել, թե երբ է իրենց հերթը հասնելու:

Խորհուրդներ ուսուցչին

1. Սովորողներին բանավեճի մեջ ընդգրկելու նպատակով հարկավոր է դիմել տարբեր միջոցների

- Ապահովել այնպիսի իրավիճակ, որ աշակերտները խոսեն ուսուցչից առավել և գրույցը ծավալվի ոչ միայն ուսուցչի հետ, այլև միմյանց միջև:
- Աշակերտները պետք է իրենց տեսակետները ներկայացնեն արժանավայել կերպով` հավաստի տվյալների վկայակոչումով, միևնույն ժամանակ պետք չէ մոռանալ, որ անհրաժեշտ է լսել ու հաշվի նստել ուրիշների կարծիքների հետ նույնպես և ընդունել նրանց կողմից արված դիտողությունները:
- Բանավեճին պետք է մասնակցեն խմբի բոլոր անդամները` անկախ իրենց ընդունակություններից և հնարավորություններից: Նրանցից յուրաքանչյուրը պետք է հավատա, որ իրենցից ամեն մեկը կարող է անկրկնելի ներդրում ունենալ` իր տարբերվող պատկերացումներով և մտտեցումներով

2. Հարցուպատասխանի ժամանակ անհրաժեշտ է խթանել աշակերտներին:

- Արձագանքել ամեն մի աշակերտի առաջադրած հարցին: Եթե նա իր հարցի պատասխանը դասարանում չստանա, միասին որոնել աղբյուրը` որտեղ կարելի է գտնել այդ հարցի պատասխանը (այն կարող է լինել հանրագիտարան, բացատրական կամ այլ տիպի բառարան, համացանց, մատենագրություն և այլն):

- Առակերտների հարցերին պետք չէ պատասխանել մեկնաբանական բնույթի գնահատականներով (օրինակ՝ «Այս հարցը էական չէ», «Գերադասելի էր՝ հարցն այլ կերպ ձևակերպելը» և այլն):

3. Ցանկալի է առաջադրել ավելի մեծ ֆանակությամբ բաց հարցեր:

- Նմանատիպ հարցերը ենթադրում են կանխատեսումների հմտություն, վարկածների առաջադրում, գնահատելու, եզրահանգումներ անելու անհրաժեշտություն, այսինքն՝ հարցեր, որոնք ընձեռում են բազմապիսի պատասխաններ տալու հնարավորություն:
- Լավ կլինի հարցի առաջադրումից հետո առակերտներին տրամադրվի մի տասը վայրկյան մտածելու ժամանակ
- Նպատակահարմար է գործելաոճ դարձնել այնպիսի հարցերի առաջադրումը, որոնք առակերտներին կօգնեն գիտակցել իրենց ենթադրությունները և տրամաբանությունը (օրինակ՝ «Ինչն է կարծում, որ այդպես պիտի լինի, ինչ- չի՞ց էս այդպես ենթադրում»):
- Անհրաժեշտ է խրախուսել առակերտի՝ սեփական տեսակետները հիմնավորելու միտումը:
- Խոսողին բացահայտ նկատողություն անելու փոխարեն լավ է բարեկիրք ու թափանցիկ ակնարկ անել այն մասին, որ կայուն փաստարկի բացակայությունը լուրջ կասկածների տեղիք է տալիս ասվածի վերաբերյալ: Օրինակ՝ «Որտեղի՞ց գիտես», «Ինչն է կապացուցես», կամ «Ինչն էս այդպես կարծում»:
- Պատասխանի հետության մեջ համոզվելու համար պետք է ընդհանրացնել, մեկնաբանել կամ նրանց կարծիքները (դրա համար, հնարավոր է, կար ծիֆը կամ ձևակերպումը կրկնել տալ և այլ):

բ) Պատմելու համար նախատեսված խմբակ

Այս խմբակի գործունեության արդյունքում պատմելը դառնում է պատմողի սեփական փորձի, պատմվածքի բովանդակության բանավոր վերարտադրություն: Այն կարող է վերածվել հաճույք պատճառով գործունեության ինչպես պատմողների, այնպես էլ ունկնդիրների համար, նմանատիպ գրական խմբակների գործունեությունը կարող է օգտակար լինել ուսուցման բոլոր աստիճաններում սովորող առակերտների համար:

Մինչ պարապմունքի բուն թեմային անցնելը ուսուցիչն առակերտներին հանձնարարում է ներկայացնել իրենց կյանքից որևէ դեպք կամ պատմություն: Նա պետք է բացատրի, թե ինչպես պետք է պատմել: Խթանման այս փուլում առակերտները հնարավորություն են ստանում լսելու մի շարք պատմողների, որոնք կարող են իրենց հաճույք պատճառել: Առավել հմուտ ներկայացվող պատմությունների օրինակով ունկնդիրները հարստացնում են իրենց փորձը (այս առումով ցանկալի է անվանի մարդկանց հրավիրել, օգտագործել տեսածայնագրումներ): Նման գործընթացի կազմակերպմանը հաջորդում է ֆննարկ- վող գրական ստեղծագործության ներկայացումը և մեկնաբանումը:

Պատմելը առակերտներին հնարավորություն է տալիս՝

- Գիտակցել պատմվածքի նախաբանի և վերջաբանի, միջավայրի, գործող անձանց և սյուժետային գծերի կարևորագույն կողմերի մասին:
- Պատմությունն ավելի լավ հաղորդելու համար պետք է օգտագործել նկարագրական և արտահայտչական լեզվաոճ:
- Պահպանել բովանդակության, դեպքերի նկարագրության հաջորդա- կամությունը:
- Ընտրել համապատասխան և ազդեցիկ բառապաշար:
- Գտնել լսարանին հետաքրքրող, նրա վրա ազդող միջոցներ (օրինակ՝ շարժում, դիմախոս, ձայնի տոնի, ձայներանգի փոփոխականություն և այլն):

Կարևոր է իմանալ, որ պատմելն օժանդակում է նաև կարգալու և գրելու հմտությունների ձեռքբերմանը:

Ուսուցչի գործունեությունը մինչ պատմել սկսելը: Առաջիններին տրամա- դրել, որ նրանք հիշեն սասցվածքներ, հանելուկներ, ծիծաղաշարժ պատմու- թյուններ կամ իրենց հետ կատարված, հետաքրքրաշարժ լուրի տարբեր պարու- նակող դեպքեր:

- Պատմելու հմտության ձևավորման նպատակով առաջիններին առաջարկել, որ նրանք հորինեն պատմվածքի տարբեր ավարտներ և ներկայացնեն միմյանց:
- Այն բանից հետո, երբ կկարգան պատմվածքը, առաջարկել, որ որոշ անհատ առաջիններին կամ խմբեր ստեղծեն պատմվածքի շարունակություն և ներկայացնեն իրենց ընկերներին:
- Կարդացած պատմվածքի մեկ դրվագ առաջիններին պատմել տալ տարբեր գործող անձանց դիրքորոշումից: Ի՞նչ պետք է նկատի ունենա պատմելը սկսելուց առաջ:
- Ընտրել այնպիսի պատմվածք, որը հնարավորություն է տալիս սեփական հիացմունքը հաղորդել լսարանին և, բացի այդ, առհարկի օգտագործել բառապաշարը:
- Ընտրել պարզ, արագ գարգացող սյուժեով պատմվածք, որտեղ քիչ են գործող անձինք:
- Ընտրել պատմվածք, որը պատմողի կողմից սեփական բառերով հաղորդելու դեպքում չի կորցնի հետաքրքրությունը:
- Անգիր սովորել կրկնվող տողերը կամ այն արտահայտությունները, որոնք օգտագործված են հատուկ ազդեցություն գործելու նպատակով:
- Ձայնագրել սեփական ձայնով ընթերցվող պատմվածքը և լսել այն:
- Հաղորդվող պատմությունն այնպես բաժանել՝ մասերի, որ ունկնդիրները կարողանան հետ ընկալել այն (օրինակ՝ օգտագործել պատմվածքի էսքիզ, պլան, գծապատկեր կամ ֆարսեզ):
- Տեսանելիորեն ներկայացնել միջավայրը և գործող անձանց (առաջարկել՝ «Փակե՛ք ձեր աչքերը և պատկերացրե՛ք գործողության տեղը, գույները, նույնիսկ լուսավորումը, պատկերացրե՛ք բոլոր գործող անձանց դիմանկարները, դեմքի արտահայտությունը և շարժումները»):
- Մտնում, սկզբից մինչև վերջ, վերականգնել պատմվածքում ընթացող իրադարձությունները (օրինակ՝ «Նկարագրե՛ք տեսարանների հաջորդականությունը և որտե՛ք, թե դրանցից որն է արագ ընթանում, որը՝ դանդաղ, որ տեսարանը որին է հաջորդում և այլն»):
- Պատմվածքը ներկայացնել սեփական բառերով:
- Նախապատրաստվելիս պատմել մի քանի անգամ և, եթե անհրաժեշտ է, անդրադառնալ պատմվածքի մասին արված գրառումներին:
- Մի կողմ դնել սեփական իմացությունը և պատմվածքը ներկայացնել շարժվող երևակայական դեմքերի համաձայն:
- Վարժվել պատմությունը ներկայացնել կենդանի լսարանի առջև (ընտանիք, ընկերներ, նույնիսկ ընտանի կենդանիներ):
- Առաջինները սովորաբար առավելություն են տալիս այն պատմողին, ով ներկայացնում է իր հետ կատարված դեպքը, կամ իր կողմից հորինվածը, և ոչ թե հաղորդում է միայն կարդացած պատմվածքի բովանդակությունը: Հնարավոր է՝ առաջինները կամենան խոսել լսած պատմության կամ դիտած կինոնկարի բովանդակության շուրջ: Պետք է խրախուսել նման նախաձեռնությունները, որպեսզի առաջինը չունենա վախի կամ անհարմարության զգացում, ընտելացնել նրան լսարանի առջև ելույթ ունենալու և արդյունավետ պատմելու միջոցների օգտագործմանը: Անձնական պատմությունները կարող են վերաբերել, օրինակ, անվանակոչության իրադարձությանը, ընտանեկան հուշախրերին, տատիկ-պապիկների պատմություններին, ընտանի կենդանիներին հետ կապ- ված պատմություններին և այլն: Անհրաժեշտ է խրախուսել առաջինների ստեղծագործական

հակումները և սեփական հորինվածքները ներկայացնելու ցանկությունները: Նրանք կարող են օգտագործել (փոխառել)՝

- ավանդական կամ այսպես կոչված «թափառող» սյուժեներ և թեմաները,
- մի քանի վարկածներից վերցնել մեկը, կամ միավորել դրանք,
- պատմությունը փոխադրել ժամանակի մեջ՝ անցյալից ներկա կամ ապագա, կամ մի աշխարհագրական միջավայրից մյուսը: Պետք է ուշադրության կենտրոնում պահել, թե պատմելու գործընթացն ինչպիսի միջավայրում և ինչ պայմաններում է անցնում: Ունկնդրին անհրաժեշտ է այնպիսի միջավայր, որի մեջ ինքն իրեն հարմարավետ զգա: Դա կարող է լինել հարմար բազմաթիվ, գորգով կամ բարձերով կահավորած հատուկ անկյուն (պարզ է, մենք նկատի չունենք, որ այսպիսի անկյուն կահավորած լինի հենց դասասենյակում: Դրա համար անհրաժեշտ է հատուկ կահավորել մի սենյակ կամ գրադարանում որոշակի տարածք): Պատմողը ևս հարմար վիճակ պետք է ունենա: Նա պետք է նայի ուղիղ լսարանին, որպեսզի հեշտությամբ տեսողական կապ հաստատվի նրանց հետ: Պատմողը կարող է սենյակը մթնեցնել, միացնել երաժշտություն կամ անել ցանկացած նախապատրաստական գործողություն, ինչն իրեն կօգնի ստեղծել համապատասխան մթնոլորտ: Ներգործությունը կայունացնելու նպատակով նա կարող է ցուցադրել ոչ բառային միջոցներ, օրինակ՝ համապատասխան հագուստ՝ գլխարկ, թիկնոց, նկարներ, դիմակ, պատմաճան, կինոնկարներից դրվագներ և այլն: Նման ներկայացումը մի քանի առավելություն ունի.
- Օժանդակում է աշակերտի պատճառաբանական կարողության զարգացմանը, հետաքրքրության մթնոլորտի առաջացմանը:
- Միավորում ու մեկտեղվում է տեսողական և բանավոր խոսքի գործունեությունը:
- Բարդությամբ (ամոթխած) պատմողի համար ապահովում է ինֆրադասակարգվելու հնարավորություն:

Ի՞նչ գործողություններ են անհրաժեշտ պատմելուց հետո: Երբ պատմելն արդեն ավարտվել է, սրան հաջորդում է սպավորությունների ու փորձի մասին խոսելու ժամանակը: Սա մի տեսակ նախադաս է, որ աշակերտները գիտակցեն, թե ինչ են լսել, ինչի համար և ինչպես: Պատմողին ևս տրվում է ինֆրագնահատման հնարավորություն: Քննարկելով այն, ինչ լսել են, աշակերտներին հնարավորություն է տրվում մտածել լսածի սեփական մեկնաբանությունը, և ինչ ազդեցություն են ունեցել իրենց անհատական փորձը և ձեռք բերած գիտելիքը այդ մեկնաբանության առթիվ:

Տվյալ սովորողի պատմելաոճը ֆննարկելու նպատակով ցանկալի է, որ ուսուցիչն այդ գործընթացը տեսանկարահանի:

Դա գնահատելու և ինֆրագնահատման լրացուցիչ հնարավորություն կըն ձեռի:

Տեսածայնագրությունը լսելով և դիտելով հնարավոր է գնահատել պատմողի

- մտքերի ձևավորումը, տրամաբանական կապը,
- դադարների օգտագործման արդյունավետությունը,
- ձայնի ուժգնությունը և տևողությունը, հնչյերանգը,
- ժամանակի բաշխումը,
- կրկնությունները:

Տեսածայնագրումը դիտելուց կամ լսելուց հետո աշակերտն անպայման կկարողանա որոշել, թե ինչն է անհրաժեշտ մեկել ու շտկել:

Առաջարկում են պատմելը գնահատելու հարցարանի նմուշօրինակ:

Որևէ պատմություն/լուր ներկայացնելու կարողության գնահատման հարցարան

Աշակերտի անուն, ազգանուն՝ _____

Անսաթիվ _____

Գնահատման չափանիշները՝	Միավորը	Ծանոթություններ
Հետաքրքրություն առաջացնելը		
Հարանի արձագանքը		
Պատմելու պատկերավորությունը և արտահայտչականությունը		
Բարեկամական, դրական վերաբերմունք լսարանի լեզուները նկատմամբ		
Արդյունքում		
Ձայնը, առոգանությունը, խոսքի պարզությունը		
Ձայնի բարձրությունը, ձայներանգը		
Արդյունքում		
Կազմակերպումը, նախաբանի ազդեցիկությունը		
Իրադարձությունների հաջորդականությունը		
Եզրակացության արդյունավետությունը		
Արդյունքում		
Ոչ բառային միջոցներ՝ ժեստեր, դիմախաղ		
Տեսողական կապ		
Մարմնի շարժումներ		
Արդյունքում		

Այսպիսով՝ ոչ ավանդական խմբակի նմանատիպ ուսումնական գործունեության շնորհիվ սովորողները հանույժով կմասնակցեն գրական խմբակի դասերին, և այն չի լինի ինքնակազմակերպ (նախատեսված սույն ուսուցչի դրույքը կամ միջոցառումների ցանկը լրացնելու համար):

Գրականություն

1. Ա. Արնաուդյան, Կառուցողական կրթության հիմունքներ և մեթոդներ, Ձեռ- նարկ ուսուցիչների համար, ԱՅԲԲՍ, «Տիգրան Սեծ», Երևան, 2005, 136 էջ:

2. Ա.Հովհաննիսյան, Համագործակցային ուսուցում, Ձեռնարկ, Երևան, «Անտարես», 2006, 124 էջ:

3. Մայա Ինասարիձե, Լեզվի ուսուցման մեթոդներ, «Սալմեդ», Թբիլիսի, 2008:

